



Број: 01,02,03,03/11-05-1-2242/24

Сарајево, 28. 2. 2025.

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 04-03-2025			
Organizacione jedinica	Klasifikaciona oznaka	Redni broj	Broj priloga

3

Izvještaj s 19. plenarne sjednice Parlamentarne skupštine Mediterana, održane 20. i 21. februara u Rimu, Republika Italija

Dana 19. februara 2025. godine Nj. E. uvaženi Enaam Mayara, predsjednik Parlamentarne skupštine Mediterana (PAM), sazvaо je 54. statutarni sastanak Političkog biroа PAM-a u Rimu. Cilj sastanka bio je finaliziranje ključnih institucionalnih pitanja i strateških inicijativa u okviru programa rada PAM-a za 2025. i naredne godine. Među učesnicima su bili izabrani članovi Biroа iz Francuske, Izraelа, Italije, Jordana, Palestine, Portugala i Katara, kao i brojni ugledni gosti i visoki zvaničnici Sekretarijata PAM-a.

Ključne teme rasprave bile su organizacija 19. plenarnog zasjedanja, zakazanog za 20. i 21. februar, te izbor predsjednika i članova Biroа PAM-a za mandatni period 2025 - 2026. Biro je također razmatrao izvještaje iz Saudijske Arabije i Andore. Predsjednici stalnih komiteta PAM-a predstavili su izvještaje o aktivnostima u okviru prioriternih oblasti PAM-a. Također su razgovarali o napretku priprema za treće izdanje Ekonomskog forumа PAM-a u Marakešu, planirano za 23. i 24. maj 2025. godine, s fokusom na unapređenje ekonomske integracije i održivog razvoja u euromediterranskom i zaljevskom regionu.

Unapređenje rodne ravnopravnosti i učešća žena u parlamentarnom radu bilo je u središtu pažnje, pri čemu je spomenuta ceremonija primopredaje predsjedavanja Forumom žena parlamentaraca (WPF) drugog dana 19. plenarnog zasjedanja PAM-a. Tom prilikom, dužnost predsjednice WPF-a preuzela je uvažena Maryam bin Theneya (UAE) od uvažene Joane Lime (Portugal). Razgovarano je i o predstojećim sjednicama Forumа žena parlamentaraca PAM-a, koje će biti održane u Abu Dabiju (UAE) krajem juna 2025. godine, u Tirani (Albanija) u proljeće 2026. godine te u Parizu (Francuska) 2027. godine.

19. plenarno zasjedanje otvoreno je 20. februara, uz pozdravne govore italijanskih zvaničnika koji su naglasili značaj političkog dijaloga. Zamjenik premijera Italije Antonio Tajani istaknuo je historijsku ulogu Italije u promoviranju mira u Mediteranu, naglašavajući potrebu za međureligijskim dijalogom i zajedničkim naporima.

Predsjednik Mayara zvanično je otvorio zasjedanje, pozdravivši sve učesnike i pozivajući zemlje članice PAM-a da podrže nedavni prekid vatre u Gazi. Također je istaknuo pridruživanje Saudijske Arabije kao pridružene članice PAM-a i čestitao Bahreinu na punopravnom članstvu. Među istaknutim gostima bili su uvažena Dubravka Šuica, evropska

komesarka za Mediteran, i uvaženi Maurizio Martina, zamjenik generalnog direktora FAO-a, koji su naglasili potrebu za rješavanjem globalne nesigurnosti u snabdijevanju hranom.

Prvog dana zasjedanja učestvovali su brojni visoki zvaničnici, uključujući generalnog sekretara UN-a Antónija Guterresa, koji je u svojoj videoporuci istaknuo globalne izazove poput klimatskih promjena i sukoba. Nastavljene su prezentacije stalnih komiteta PAM-a, s fokusom na postignuća i prioritete, posebno u pogledu dijaloga među civilizacijama i ljudskih prava.

Skupština je zaključila svoje 19. plenarno zasjedanje 21. februara izborom predsjednika i članova Biroa PAM-a za period 2025 - 2026. godine, primjenjujući izborni model 4+1, kako bi se osigurala zastupljenost i Izraela i Palestine. Cilj ove odluke bio je jačanje strateške uloge PAM-a u promoviranju mira na Bliskom istoku. Novi Biro obuhvatit će ravnomjernu zastupljenost predstavnika iz sjevernih i južnih geopolitičkih grupa, uz predsjednicu WPF-a.

Tokom zasjedanja delegati su analizirali postignuća i strateške prioritete, s posebnim fokusom na humanitarne krize u euromediteranskom i zaljevskom regionu. Ključne rasprave bile su usmjerene na značaj obrazovanja za jačanje otpornosti i održivog razvoja, što su istaknuli italijanski ministar obrazovanja Giuseppe Valditara i predstavnica UNESCO-a Lidia Brito, koja je naglasila važnost naučne diplomatije.


Senatorica Marie-Arlette Carlotti predstavila je izvještaj o trgovini ljudima u kontekstu regionalnih kriza, naglašavajući hitnu potrebu za koordiniranim mjerama u rješavanju migrantskih izazova. Zasjedanje je zaključeno pozivom na kolektivnu podršku kampanji PAM-a protiv trgovine ljudima, naglašavajući važnost rješavanja strukturnih problema koji pogađaju ranjive populacije.

Događaji u Rimu potvrdili su opredijeljenost PAM-a ka jačanju političkog dijaloga, ekonomske integracije i humanitarnih napora u Mediteranu i zaljevskom regionu, s posebnim naglaskom na rodnu ravnopravnost i suočavanje s globalnim izazovima.

Tokom zasjedanja uvaženi Giulio Centemero (Italija) izabran je za predsjednika PAM-a za mandatni period 2025 - 2026. Kao dugogodišnji zagovornik regionalne saradnje i multilateralne diplomatije, u svom obraćanju istaknuo je posvećenost rješavanju ključnih strateških izazova u euromediteranskom i zaljevskom regionu, promoviranju zajedničkih akcija protiv klimatskih promjena i ekonomske nejednakosti te borbi protiv dezinformacija. Također je najavio planove za uspostavljanje Foruma mladih PAM-a, s ciljem stvaranja novih radnih mjesta i unapređenja prosperiteta budućih generacija.

Amila Kličić

Stručna savjetnica – prevoditeljica



Dostaviti:

- naslovu
- Kolegiju Sekretarijata PSBiH
- članovima Delegacije Parlamentarne skupštine BiH u Parlamentarnoj skupštini Mediterana (PAM)
- Komisiji za vanjske poslove PDPSBiH
- Komisiji za vanjsku i trgovinsku politiku, carine, saobraćaj i komunikacije Doma naroda
- Sektoru za odnose s javnošću
- Sektoru za međunarodne odnose i protokol
- a/a
- kopija: Ministarstvo vanjskih poslova BiH